

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10) i člana 140. stav (4) Zakona o visokom obrazovanju („Službene novine Zeničko-dobojskog kantona”, broj: 6/09, 9/13, 13/13, 4/15, 5/18, 4/19 i 19/20), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 94. sjednici, održanoj dana 18.02.2021. godine, d o n o s i

ZAKLJUČAK

o davanju saglasnosti na visinu naknada spoljnim saradnicima u realizaciji naučno-nastavnog procesa na trećem ciklusu studija na zajedničkom studijskom programu Doktorski studij iz tehničkih nauka Univerziteta u Zenici u akademskoj 2020/2021. godini

I.

Daje se saglasnost na Prijedlog odluke Upravnog odbora Univerziteta u Zenici, broj: 01-01-3-31/21 od 04.01.2021. godine, na visinu naknade za izvođenje predavanja, visinu naknade za mentorstvo, komentorstvo i članstvo u komisiji za ocjenu uslova kandidata i podobnosti teme, te članstvo u komisiji za ocjenu i odbranu teme, kao i na visinu naknade za putne troškove i smještaj (noćenje) spoljnim saradnicima u realizaciji naučno-nastavnog procesa na trećem ciklusu studija na zajedničkom studijskom programu Doktorski studij iz tehničkih nauka Univerziteta u Zenici u akademskoj 2020/2021. godini.

II.

Visina naknade za izvođenje predavanja u neto iznosu obračunava se po satu, pri čemu maksimalni broj sati predavanja mora biti usklađen s Nastavnim planom zajedničkog studijskog programa Doktorski studij iz tehničkih nauka Univerziteta u Zenici i Odlukom Senata Univerziteta u Zenici o usvajanju nastavničkih timova za akademsku 2020/2021. godinu. Visina naknade po satu iznosi:

- Redovni profesor 100,00 KM (slovima: stotinu konvertibilnih maraka),
- Vanredni profesor 100,00 KM (slovima: stotinu konvertibilnih maraka).

III.

Visina naknade u neto iznosu za mentorstvo i komentorstvo iznosi:

- Mentor 3.060,00,00 KM (slovima: trihiljadešezdeset konvertibilnih maraka),
- Mentor+Komentor 1.836,00 KM+1.224,00 KM (slovima: hiljadu osamstotinatridesetšest konvertibilnih maraka + hiljadudvijestotinedvadesetčetiri konvertibilne marke).

IV.

Visina naknade u neto iznosu za članstvo u komisiji za ocjenu uslova kandidata i podobnosti teme iznosi:

- Predsjednik komisije 440,00 KM (slovima: četiristotinečetredeset konvertibilnih maraka),
- Član komisije 300,00 KM (slovima: tristotine konvertibilnih maraka).

V.

Visina naknade u neto iznosu za članstvo u komisiji za ocjenu i odbranu doktorskog rada iznosi:

- Predsjednik komisije 600,00 KM (slovima: šeststotina konvertibilnih maraka),
- Član komisije 400,00 KM (slovima: četiristotine konvertibilnih maraka),
- Sekretar komisije 50,00 KM (slovima: pedeset konvertibilnih maraka).

VI.

Angažovanim spoljnim saradnicima koji imaju prebivalište izvan sjedišta Univerziteta u Zenici pripada naknada za putne troškove, kao i naknada za smještaj (noćenje).

VII.

Naknada za putne troškove za relacije u zemlji i inostranstvu priznaje se u visini od 0,25 KM po pređenom kilometru.

VIII.

Naknada za smještaj (noćenje) u sjedištu Univerziteta u Zenici priznaje se u neto iznosu do 70,00 KM (slovima: sedamdeset konvertibilnih maraka) za jedno noćenje, uz priložen račun hotelskog smještaja kao dokaz noćenja.

IX.

Ukupne naknade spoljnim saradnicima u realizaciji naučno-nastavnog procesa na trećem ciklusu studija na zajedničkom studijskom programu Doktorski studij iz tehničkih nauka Univerziteta u Zenici u akademskoj 2020/2021. godini, utvrdit će se pojedinačnim ugovorima o djelu između Univerziteta u Zenici i spoljnog saradnika po osnovu elemenata navedenih u tačkama od II. do VIII. ovog zaključka, a obračun i isplata vršit će se u skladu s važećom zakonskom regulativom.

X.

Sredstva za realizaciju naučno-nastavnog procesa spoljnim saradnicima isplatit će se iz vlastitih sredstava Univerziteta u Zenici.

XI.

Zadužuju se Univerzitet u Zenici, Ministarstvo za obrazovanje, nauku, kulturu i sport i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti.

XII.

Zaključak stupa na snagu danom donošenja.

PREMIJER

po Odluci predsjedavajućeg Skupštine

Mirnes Bašić

Broj: 02-_____ /21

Datum, 18.02.2021. godine

Zenica

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x Univerzitet u Zenici, putem Ministarstva,

1x a/a.